



Bank Pilihan Anda

KEMPEN ISTIMEWA BANK RAKYAT BAGI PROGRAM KUALA LUMPUR MOBILITY SHOWS (KLIMS) 2024

Terma dan Syarat

A. Syarat-syarat dan kelayakan

- Kempen ini terbuka kepada semua pelanggan baharu dan sedia ada Bank Rakyat yang terdiri daripada warganegara Malaysia dan memohon produk Pembiayaan Kenderaan-i sepanjang tempoh tawaran berlangsung KECUALI:
 - Warga kerja Bank Rakyat; atau
 - Pelanggan Bank Rakyat yang mempunyai sebarang tunggakan dan tindakan guaman atas mana-mana kemudahan pembiayaan sedia ada dengan Bank Rakyat.
- Mekanisme Kempen:
 - Berkonsepkan langgan dan menang.
 - Kelayakan hanya terbuka kepada permohonan Pembiayaan Kenderaan-i bagi kenderaan elektrik hybrid plug-in (PHEV) dan kenderaan bateri (BEV) sahaja melalui BRICK yang dilakukan semasa tempoh kempen berlangsung.
 - Jumlah pembiayaan minimum yang perlu dipohon adalah sebanyak RM50,000 bagi melayakkan pelanggan untuk menyertai kempen ini.
 - Penyertaan adalah secara AUTOMATIK apabila pelanggan membuat permohonan pembiayaan sepanjang tempoh kempen berlangsung. Tujuh (7) permohonan terawal yang telah diluluskan dan dilakukan pengeluaran akan dipilih sebagai pemenang hadiah kempen.
 - Satu (1) permohonan pembiayaan dalam tempoh kempen layak mendapat satu (1) penyertaan sahaja.
- Penyertaan bagi kempen ini adalah tertakluk kepada kelulusan Bank Rakyat sepenuhnya dan juga terma dan syarat yang terkandung di sini.
- Bank Rakyat boleh meluluskan atau menolak sebarang permohonan pembiayaan dan penyertaan bagi kempen ini.

B. Tempoh Kempen

- Tempoh kempen bermula dari **5 Disember sehingga 11 Disember 2024**.
- Pihak Bank Rakyat boleh menukar atau meminda tarikh dan tempoh kempen sekiranya perlu.

C. Hadiah Kempen

- Hadiah yang ditawarkan adalah seperti berikut:

Hadiah	Jumlah Pemenang
Baucar pengecas kenderaan elektrik bernilai RM5,000	7

2. Setiap pemenang hanya layak untuk menerima satu (1) hadiah sahaja sepanjang tempoh kempen berlangsung.
3. Bank Rakyat boleh menggantikan hadiah sedia ada dengan hadiah lain yang setimpal (sekiranya perlu) dengan memaparkan notis di laman sesawang Bank Rakyat.
4. Hadiah yang ditawarkan tidak boleh dipindah milik atau dituntut oleh pihak ketiga.
5. Tuntutan hadiah hanya boleh dilakukan dalam tempoh enam (6) bulan dari tarikh makluman (melalui khidmat pesanan ringkas (SMS), pusat panggilan tele-Rakyat, laman sesawang rasmi Bank Rakyat, laman media sosial rasmi Bank Rakyat atau e-mel) diterima daripada mana-mana cawangan Bank Rakyat atau lain-lain kaedah yang ditentukan oleh Bank Rakyat.
6. Selepas tamat tempoh enam (6) bulan dari tarikh makluman oleh Bank Rakyat, tuntutan hadiah akan terbatal serta-merta dan secara automatik gugur kelayakan untuk tuntutan hadiah.

D. Pemilihan Pemenang

1. Pemilihan pemenang akan dilaksanakan selepas tempoh kempen tamat.
2. Tujuh (7) permohonan terawal yang telah diluluskan dan dilakukan pengeluaran akan dipilih sebagai pemenang hadiah kempen.
3. Jawatankuasa penentuan pemenang adalah ditetapkan oleh Bank Rakyat untuk tawaran ini.
4. Pemenang akan dihubungi melalui khidmat pesanan ringkas (SMS), pusat panggilan tele-Rakyat, laman sesawang rasmi Bank Rakyat, laman media sosial rasmi Bank Rakyat atau e-mel. Bank Rakyat TIDAK akan bertanggungjawab sekiranya pemenang tidak dapat dihubungi atau gagal menghubungi kembali Bank Rakyat bagi urusan tuntutan hadiah.
5. Bank Rakyat boleh membatalkan hadiah bagi pemenang yang gagal dihubungi/ memberi maklum balas untuk tujuan pengesahan (sekiranya perlu) dalam masa 30 hari selepas pengumuman rasmi pemenang dibuat.
6. Bank Rakyat boleh memilih pemenang yang layak dari senarai menunggu/simpanan sekiranya pemenang yang telah dipilih tidak dapat dihubungi, enggan menerima hadiah dan lain-lain alasan munasabah yang membolehkan pihak Bank Rakyat untuk memilih pemenang lain daripada senarai menunggu/simpanan.
7. Semua keputusan pemenang adalah **muktamad** dan sebarang surat-menyurat, bantahan dan rayuan tidak akan dilayan.

E. Lain-Lain

1. Dengan menyertai kempen ini, peserta/pelanggan bersetuju dan membenarkan data peribadi mereka dikumpulkan, diproses dan digunakan oleh Bank Rakyat mengikut Notis Privasi Bank Rakyat, yang boleh dirujuk di laman sesawang Bank Rakyat.
2. Bank Rakyat mempunyai hak eksklusif untuk mencetak atau menyiarkan nama dan gambar pemenang untuk tujuan promosi dalam akhbar, majalah, laman sesawang Bank Rakyat, atau mana-mana saluran media yang bersesuaian.
3. Dengan menyertai kempen ini, peserta/pelanggan bersetuju untuk membenarkan Bank, anak-anak syarikat, sekutu, pemegang lesen, pengarah, pegawai, ejen, kontraktor bebas dan agensi pengiklanan menggunakan nama peserta/pelanggan dan butiran peribadi (jika diperlukan) untuk tujuan komunikasi, promosi, secara keseluruhan, dalam mana-mana dan semua media sekarang atau yang telah dirancang, tanpa bayaran tambahan, melainkan jika dilarang oleh undang-undang.
4. Melainkan diperuntukkan secara khusus atau sebaliknya, Bank Rakyat boleh meminda, membatalkan atau menambah mana-mana terma dan syarat ini dari semasa ke semasa dengan memberi notis terlebih dahulu di laman sesawang Bank Rakyat atau sebarang medium komunikasi yang bersesuaian dan sebarang pindaan, pembatalan atau penambahan akan berkuatkuasa selepas notis dikeluarkan atau diterbitkan. Pelanggan adalah dianggap bersetuju untuk terikat dengan sebarang pindaan, pemotongan atau penambahan tersebut.
5. Bank Rakyat berhak untuk menolak dan/atau mengeluarkan sebarang penyertaan yang tidak tepat, tidak lengkap, mencurigakan dan tidak sah serta tidak memenuhi syarat-syarat seperti yang dinyatakan dalam terma dan syarat ini.
6. Bank Rakyat tidak akan bertanggungjawab terhadap sebarang kelewatan, kehilangan, kekurangan, kerosakan pada borang penyertaan, makluman atau apa-apa koresponden sama ada melalui e-mel, surat atau medium komunikasi yang bersesuaian.
7. **PENAFIAN: TERTAKLUK KEPADA APA YANG DIBENARKAN OLEH UNDANG-UNDANG, BANK RAKYAT DAN ANAK SYARIKATNYA TIDAK AKAN BERTANGGUNGJAWAB KEPADA PELANGGAN/PEMOHON ATAU MANA-MANA PIHAK KETIGA (KECUALI UNTUK LIABILITI YANG TIMBUL DARIPADA KECUAIAN MELAMPAU, SALAH LAKU, SENGAJA, FRAUD ATAU KEINGKARAN SENGAJA BANK RAKYAT) UNTUK KEROSAKAN LANGSUNG, TIDAK LANGSUNG, KHAS, SAMPINGAN, GANTI RUGI TAULADAN ATAU AKIBAT KEROSAKAN (TERMASUK KEHILANGAN PENGGUNAAN, DATA, PERNIAGAAN ATAU KEUNTUNGAN) YANG TIMBUL DARIPADA ATAU BERKAITAN DENGAN PENYERTAAN ANDA DALAM KEMPEN INI, SAMA ADA LIABILITI TERSEBUT BERLAKU BERPUNCA DARIPADA APA-APA TUNTUTAN BERASASKAN KEPADA KONTRAK, JAMINAN, TORT (TERMASUK KECUAIAN), LIABILITI KETAT ATAU SEBALIKNYA, DAN SAMA ADA PELANGGAN/PEMOHON TELAH DINASIHATKAN ATAU TIDAK KEMUNGKINAN KERUGIAN ATAU KEROSAKAN BOLEH BERLAKU.**



Bank Pilihan Anda

8. Bank Rakyat tidak akan bertanggungjawab terhadap sebarang kemungkinan yang disebabkan bencana alam, peperangan, rusuhan, perintah berkurung, kebakaran, banjir, kemarau, ribut, epidemik, pandemik, kegagalan sistem atau sebarang situasi di luar kawalan Bank Rakyat.
9. Dengan menyertai kempen ini, peserta/pelanggan dianggap telah membaca, memahami dan bersetuju untuk menepati terma dan syarat yang terkandung di sini, termasuk keputusan yang dibuat oleh pihak Bank Rakyat yang dianggap muktamad, terikat dan menyeluruh.
10. Terma dan syarat ini tertakluk dan ditafsirkan mengikut undang-undang Malaysia.

Untuk maklumat dan pertanyaan lanjut, sila hubungi pusat panggilan Bank Rakyat di talian **1300 80 5454**; atau kunjungi cawangan Bank Rakyat berhampiran; atau layari laman sesawang Bank Rakyat.